

ხელშეკრულება № 66
სახელმწიფო შესყიდვის შესახებ

ქ. ზუგდიდი.

2 აგვისტო, 2011 წ.

ერთის მხრივ, სახელმწიფო რწმუნებულის - გუბერნატორის ადმინისტრაცია აბაშის, ზუგდიდის, მარტვილის, მესტიის, სენაკის, ჩხორორწყუს, წალენჯიხის, ხობის მუნიციპალიტეტებსა და თვითმმართველ ქალაქ ფოთში (შემდგომში - „შემსყიდველი“), წარმოდგენილი სახელმწიფო რწმუნებულის - გუბერნატორის მოადგილის ვახტანგ ცხადაიას სახით და მეორეს მხრივ, შპს „რომპეტროლ საქართველო“ (შემდგომში - „მიმწოდებელი“), წარმოდგენილი გენერალური დირექტორის ალექსანდრ ალბინის სახით, „სახელმწიფო შესყიდვების შესახებ“ საქართველოს კანონის ვხელმძღვანელობთ რა ვდებთ „სახელმწიფო შესყიდვის შესახებ“ საქართველოს კანონის მე-10¹ მუხლის მე-3 პუნქტის „ბ“ ქვეპუნქტით, ვდებთ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველ ორგანიზაციასა და მიმწოდებელს შორის დადებული ხელშეკრულება;
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომში „შემსყიდველი“) - ორგანიზაცია, რომელიც ახორციელებს შესყიდვას;
- 1.4 „მიმწოდებელი“ - პირი, რომელის ახორციელებს საქონლის მიწოდებას მოცემული ხელშეკრულების ფარგლებში;
- 1.5 „საქონელი“ - ამ ხელშეკრულების მე-2 მუხლით გათვალისწინებული ხელშეკრულების საგანი;
- 1.6 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. ხელშეკრულების საგანია 1200 (ათას ორასი) ლიტრი დიზელის (ევრო დიზელი, ცეტანის რიცხვი - 51) მიწოდება.

3. ხელშეკრულების ღირებულება

- 3.1. ერთი ლიტრი დიზელის ფასია 2.33 (ორი ლარი და 33 თეთრი) ლარი.
- 3.2. შესყიდვის ობიექტის ჯამური ღირებულებაა 2796.00 (ორიათას შვიდას ოთხმოცდათექვსმეტი) ლარი, ყველა თანმდევი ხარჯისა და საქართველოს კანონმდებლობით გათვალისწინებული გადასახადების ჩათვლით.

4. შესყიდვის ობიექტის ხარისხი და გარანტია

- 4.1. „მიმწოდებელი“ იძლევა გარანტიას, რომ მიწოდებული შესყიდვის ობიექტი იქნება ხარისხიანი და არსებული სტანდარტების შესაბამისი.

5. შესყიდვის ობიექტის მიწოდების პირობები და მიღება-ჩაბარების წესი

- 5.1. შესყიდვის ობიექტის მიწოდებას მიმწოდებელი უზრუნველყოფს ტალონების საშუალებით, 10 და/ან 20-ლიტრიანი ნომინალებით. ტალონები უნდა მოქმედებდეს საქართველოში არსებულ მიმწოდებლის ყველა ავტოგასამართ სადგურზე.
- 5.2. ტალონების შემსყიდველისათვის გაცემა განხორციელდება ხელშეკრულების ხელმოწერიდან 3 (სამი) საბანკო დღის ვადაში.
- 5.3. შემსყიდველისთვის გადაცემული საწვავის ტალონები მოქმედებს უვადოდ.
- 5.4. ტალონების გადაცემასთან ერთად მიმწოდებელი უზრუნველყოფს შესაბამისი ხაზადასახადო ანგარიშ-ფაქტურის ან/და სხვა თანმდევი დოკუმენტის გამოწერას. ტალონების გადაცემა დასტურდება აღნიშნულ დოკუმენტზე მხარეების მიერ ხელის მოწერით.
- 5.5. ყოველი ტალონი უნდა იყოს დამოწმებული მიმწოდებლის ბეჭდით და მასზე უნდა იყოს აღნიშნული ტალონის ნომერი, მიმწოდებლის სახელწოდება, საწვავის რაოდენობა და სახეობა.

- 5.6. მიმწოდებელი ვალდებულია შემსყიდველის კუთვნილი და სათანადო წესით დამოწმებული ტალონის ავტოგასამართ სადგურზე წარმოდგენისთანავე გამართოს ავტომანქანა და/ან ჭურჭელი ტალონში აღნიშნული საქონლის ხარისხითა და რაოდენობით. საწვავის გაცემა ხდება სათანადო წესით დამოწმებული ტალონის წარმომდგენ ნებისმიერ პირზე.
- 5.7. ავტოგასამართ სადგურზე ტალონების წარმოდგენისთანავე შემსყიდველი ან მისი წარმომადგენელი ვალდებულია უზრუნველყოს შესაბამისი ტევადობების ან/და ჭურჭლის წარმოდგენა. ტალონებით საწვავის გაცემისას ტალონის ნაწილობრივი განაღდება ან/და ხურდის დაბრუნება არ დაიშვება.
- 5.8. „მიმწოდებლის“ ავტოგასამართ სადგურებზე საწვავის ფასის შეცვლა არ იქონიებს გავლენას შემსყიდველისთვის უკვე გადაცემული ტალონების საწვავის ფასზე ან რაოდენობაზე.

6. ანგარიშსწორების პირობები

- 6.1. მიწოდებული ობიექტის ღირებულების ანაზღაურება მოხდება უნაღდო ანგარიშსწორებით, ლარებში.
- 6.2. შემსყიდველი იღებს ვალდებულებას აუნაზღაუროს მიმწოდებელს მიწოდებული საქონლის (საწვავის) საფასური წინამდებარე ხელშეკრულების 5.4. პუნქტით გათვალისწინებული დოკუმენტის წარმოდგენიდან 5 (ხუთი) საბანკო დღის განმავლობაში.

7. მხარეთა უფლება-მოვალეობანი

- 7.1. „შემსყიდველს“ უფლება აქვს:
- შეამოწმოს მიწოდებული საქონლის შესაბამისობა ხელშეკრულებით გათვალისწინებულ პირობებთან;
 - განახორციელოს კონტროლი და ზედამხედველობა „მიმწოდებლის“ მიერ ხელშეკრულების პრობების დაცვაზე.
- 7.2. „შემსყიდველი“ ვალდებულია:
- წერილობით აცნობოს „მიმწოდებელს“ საქონლის მიწოდებასთან დაკავშირებული ყველა განსაკუთრებული გარემოების შესახებ;
 - მოახდინოს ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;
- 7.3. „მიმწოდებელს“ უფლება აქვს:
- მოსთხოვოს „შემსყიდველს“ მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით;
- 7.4. „მიმწოდებელი“ ვალდებულია:
- გააფრთხილოს „შემსყიდველი“ საქონლის მიწოდების პროცესში შეფერხების შესახებ;
 - დაიცვას ხელშეკრულებით გათვალისწინებული ყველა პირობა.

8. ხელშეკრულების პირობების გადასინჯვის შესაძლებლობა

- 8.1. ხელშეკრულების პირობების, მათ შორის ფასის შეცვლა დაუშვებელია თუ ამ ცვლილების შედეგად იზრდება ხელშეკრულების ჯამური ღირებულება ან უარესდება პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9. ხელშეკრულებაში ცვლილებების შეტანის წესი

- 9.1. ხელშეკრულების დამდეგ არცერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 9.2. თუ რაიმე წინასწარ გაუთვალისწინებელი პირობების გამო წარმოიშობა ხელშეკრულების პირობების შეცვლის უაღიდეგლოება, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.
- 9.3. ხელშეკრულების პირობების ნებისმიერი ცვლილება ფორმდება წერილობით, ხელშეკრულების დანართის სახით, ძალაში შედის ორივე მხარის მიერ ხელის მოწერის შემდეგ და ითვლება ხელშეკრულების განუყოფელ ნაწილად.

10. ფორს-მაჟორი

- 10.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე თუ ეს შეუსრულებლობა გამოწვეულია ისეთი გარემოებით, რომლებიც უშუალო ზემოქმედებას ახდენენ ხელშეკრულების შესრულებაზე, კერძოდ, წყალდიდობა, ხანძარი, მიწისძვრა და სხვა სტიქიური მოვლენები, ომები და საომარი მოქმედებები, საბიუჯეტო ასიგნების მკვეთრი შემცირება. ასეთ შემთხვევაში ხელშეკრულების შესრულების ვადა გადაიწევს შესაბამისი დროით გარემოებათა დასრულების შემდეგ.
- 10.2. თუ სახელშეკრულებო ვალდებულების მთლიანი ან ნაწილობრივი შეუსრულებლობის პირობები გაგრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება კომპენსაციის უფლების მოთხოვნის გარეშე.
- 10.3. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს მეორე მხარეს ამის შესახებ.

11. დავები და მათი გადაწყვეტის წესი

- 11.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე. მოლაპარაკების გზით შეთანხმების მიუღწევლობის შემთხვევაში მხარეები მიმართავენ სამართალდამცავ ორგანოებს საქართველოს კანონმდებლობის შესაბამისად.

12. ხელშეკრულების ინსპექტირების პირობები

- 12.1. „შემსყიდველი“ უფლებამოსილია საქონლის მიწოდების პარალელურად მოახდინოს მიწოდებული საქონლის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 12.2. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ დაწუნებული საქონლის რაოდენობისა და წუნდების მიზეზების მითითებით.
- 12.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

13. ხელშეკრულების პირობების შეუსრულებლობა

- 13.1. საქონლის მოწოდების ვადების გადაცდენის შემთხვევაში ყოველი დაგვიანებული დღისთვის „მიმწოდებელს“ ეკისრება პირგასამტეხლო დროულად მიუწოდებელი საქონლის ღირებულების 0.1%-ის ოდენობით.
- 13.2. გადახდის ვადის გადაცილების შემთხვევაში ყოველი დაგვიანებული დღისთვის „შემსყიდველს“ ეკისრება პირგასამტეხლო დროულად გადაუხდელი თანხის 0.1%-ის ოდენობით.
- 13.2. იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, მეორე მხარეს უფლება აქვს შეწყვიტოს ხელშეკრულება.
- 13.3. საჯარიმო თანხის გადახდა არ ათავისუფლებს მხარეებს ნაკისრი ვალდებულების შესრულებისაგან.

14. ხელშეკრულების მოქმედების შეწყვეტა

- 14.1. თუ ხელშეკრულების მონაწილე რომელიმე მხარე არ ასრულებს ხელშეკრულებით გათვალისწინებულ ვალდებულებებს, მეორე მხარე უფლებამოსილია ცალმხრივად შეწყვიტოს ხელშეკრულების ან მისი ცალკეული პირობების მოქმედება.
- 14.2. ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 2 (ორი) კვირით ადრე მაინც, ამასთან უნდა მიეთითოს მიღებული გადაწყვეტილების საფუძველი და მისი ამოქმედების თარიღი.
- 14.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.



15. სხვა პირობები

- 15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.
- 15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.
- 15.3. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 15.4. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 15.5. ხელშეკრულება ძალაში შედის მისი ხელმოწერის მომენტიდან და მოქმედებს 2011 წლის 31 აგვისტომდე.

16. მხარეთა იურიდიული მისამართები და რეკვიზიტები

„შემსყიდველი“:

სახელმწიფო რწმუნებულის – გუბერნატორის
ადმინისტრაცია აბაშის, ზუგდიდის, მარტვილის,
მესტიის, სენაკის, ჩხოროწყუს, წალენჯიხის,
ხობის მუნიციპალიტეტებსა და
თვითმმართველ ქალაქ ფოთში

მის: ქ. ზუგდიდი, ზ. გამსახურდიას 45.

საიდ. კოდი – 220015141

სახელმწიფო ხაზინა

ანგარიში № 200122900

სახელმწიფო რწმუნებულის – გუბერნატორის
მოადგილე
ვახტანგ ცხადია



„მიმწოდებელი“:

შპს „რომპეტროლ საქართველო“
მისამართი: თბილისი,
სანაპიროს ქ. №6.

საიდ. კოდი – 204493002

სს „საქართველოს ბანკის“
ცენტრ. ფილიალი

ბანკის კოდი – 220101502

ანგ. №119347600

გენერალური დირექტორი
ალექსანდრ ალბინი